

RNI 68092/83 Regn. No. N.E. 1024

From

Synod Literature & Publication Board

Synod Office, Mission Veng

Aizawl – 796 001, Mizoram

Phone : 2324590

Symod

E-mail : slpb@rediffmail.co.in

Vol. XXV No. 334

NEWSLETTER

July, 2011

SYNOD REVIVAL TEAM INTUAI THARNA - 2011

Synod Revival Committee chuan Kohhranin Gospel Camping, Crusade, Campaign leh beihpui thlakna chi dang an buatsaih châng a tirh chhuah thin thuhritlu leh anmahni jawiawmtute pual intuitai tharna (Revival Team Retreat) chu Dt. 24 - 26 June, 2011 chhung khan Chaltlang Presbyterian Kohhran Biak Inah a nghat a, he hun hi a thlengtu Kohhran huam chhunga riak luta hman a ni. Intuai tharnaah hian Synod Revival Speaker 70 aţangin 68 an kal thei a, Team tin aţangin speaker tiamin member panga zel kal tura beisei an ni a, beisei zat kal thei vek lo mah se kal tâwk an awm vek a, Speaker leh team member kal zawng zawng hi mi 348 lai an ni a; Team member dang eng emaw zatin an chhim bawk. Revival Team-te intuitai tharna hun hi Synod Revival Committee hian kum 2001 aţang khan kum tin an lo hmang tawh a, tih dan thlak hret hret a ni a, kuminah hian Thupui sawitu (Speaker) bik awmin hman a ni a, Speaker chu Rev. Vanlalzuata, Senior Executive Secretary, Mizoram Presbyterian Kohhran a ni.

Retreat hi Zirtawpni zan dar 7:00-ah ţanin Rev. Zosangliana Colney, Executive Secretary, i/c Revival-in inkhawm a kaihruai a, Synod Moderator Rev. C. Lalsangliana Retreat hawna thuchah a sawi a. Inkhawmah hian a tir zan aţangin zai boruak a ţha em em a, lamtual khatin lâm an awm thei deuh reng a ni ber.

Inrinni chawhma leh chawhnuah '*Kohhran leh a rawngbawl hna*' tih thu, Rev. P.C. Pachhunga, Synod Secretary (Sr.) ziak zir ho a ni a, Kohhran nihphung leh Kohhran rawngbawlna chungchangah Kohhran mite mamawh phuhru tura hlawk zawka rawngbawl dan sawihona hun ţha tak hman a ni a. Synod Revival rawngbawlna kalpui mek dan aţanga hmasawna ţha lehzual a awm theih dan tur kawng hrang hrang sawiin, rintlak rawngbawltu nih a ţul thu te, Camping aia tih dan kawng ţha zawk zui tur a awm leh awm loh thlengin sawi ho a ni a. Heng bakah hian Mizo khawtlang nun siam ţhatna lam thu aia media lama zu khuahkhirhna dan hlih a ţul thu sawi nasat a ni tate hian a chhezawnga ţhangthar rilru kaihruaia an hriat thu thlengin an sawi a, hengte hi thuhritute hian maimitchhinsan chi-ah an ngai lo a ni. Khap rêm a nih loh avanga rukruk te, mi suam te, pawngsual te leh sualna dang te pawh phalrai chi a ni lo ang bawkin, Thlarau Thianghlim chenchilh ringtu chuan kan nun a thianghlim zel theih nan nasa zawka hma lak a ngai tih thuin sawihona tlang an kawm a ni.

Tlai dar 3:30-ah Rev. R. Lalchangliana, Synod Revival Director kaihruainain Speaker-te leh Team member dangte a hrang ve vea inpawlhona hun buatsaih a ni a,



he hunah pawh hian Kohhrante nena rawngbawlnaa thawhona ţha neih a ţul thu leh mi mal nun intuitai thar ţulna lam thute sawi ho a ni a, kham lo takin hun an hmang.

Inrinni zan aţangin vantlang Pathian biak inkhawm a awm ţan a. Thupui thlan, '*Kohhran*' (Mat. 16:19) tih chu Speaker Rev. Vanlalzuatan ngaihnaawm takin ţum li a sawi a, Team member leh Kohhran mipuiin manhla an tihzia an sawi zui nasa hle. Inkhawm apiangin Kohhran/Bial Zai pawl pahnih aia tlem lo an zai ziah bawk.

Retreat thlengtu Chaltlang Kohhran an fakawm hle. Synod-in Rs 50,000/-in a ţanpui thei chauh a, chuti chung chuan hneh takin an thleng a; Retreat hmang zawngten nuam an tiin an kham lo hle a ni.

Thu lakna: Rev. R. Lalchangliana, Director, Synod Revival Deptt.



Editorial Staff

Rev. Thangzauva Upa H. Ronghaka
Rev. B. Lalngkhliana
Upa C.H. Thangkhuma

'Thinlunga khat liam ka-in a sawi chhuak thin' tih hi Mizo zingah thu thar a ni lo. Kan rilru leh thinlungin a veizawng chu sawi chhuah kan chhak theuh. Sawina hun leh hmun kan neih chuan kan lawm a, kan thaw/thawl huai thin. Chutih lai chuan kan sawina hmunin a zir loh chuan a dawngsawngtu, kan sawi chhan takte tan a tangkai tur ang leh a that dan tur ang takin a tha thuantling thei lo. Chuvangin a sawina tur hmun thlan thiam a pawimawh hle.

KOHRAN ENKAWL ZIRNA

Chhungkaw Inkaihruaina lam hna thawktu, Family Guidance & Counselling Centre (FG&CC) bul tumin June 16-30, 2011 chhung khan Kohhran Upate pualin Kohhran enkawl leh Kohhran mi, kawm ngaite kawm dan zirna (14th Intensive Residential Pastoral Care & Counseling Training) SMTC, Mission Vengthlangah buatsaih a ni a; Kohhran aiawh mi 24 an sawmte atangin Kohhran Upa 14 an tel thei.

Ni 16.6.2011 zanah hawna inkhawm neih a ni a; Rev. Zothansanga, Director, FG&CC-in a kaihrui a, report pek pahin inhmehriattirna a nei a, Synod Moderator, Rev. C. Lalsanglianaw hawna thuchah a sawi bawk. Zirtirtu atan Rev. Zothansanga, Rev. H. Lalchhanhima, Rev. J. Vanlalhnuna, Rev. Lalrinmawia leh Dr. Ruth Lalmuanpuii te hman an ni a. Training-a kalte hian Pathian rawngbawl zelna turah hmasawna tha an neih phah ngei an beisei thu sawiin an training chu Thlarau lam nun atan intuaitharna tha tak nia an hriat thu an sawi a, hlawkpui hlein an inhria.

CANCER VEITE TAN KOHRAN AN TAWNGTAI

Mizoram Cancer vei Society-in Mizoram Kohhran Hruaitu Committee-ah cancer vei mekte puala Kohhranhote tawngtaipuina an ngen a. Mizoram Kohhran Hruaitu Committee (MKHC) chuan July 2, 2011 (Inrinni) zan inkhawmah cancer veite puala tawngtai rualna hun hmang theuh turin Kohhrante a chah a. He thu bawhzui hian Mizoram Presbyterian Kohhrante chu hemi zan inkhawmah hian Biak In tinah Cancer vei mekte tan an tawngtai rual a ni.

NI TIN LALPA NEN

Ni tin Chhung Inkhawm neite tana hman tur lehkhahu tha, ni pawimawh bika chhiar tur pawh a hrana a tawp lama dah awm telna, Synod Literature & Publication Board chhuah **NI TIN LALPA NEN** Edition thar chu Synod Bookroom-ah lei theihin a awm leh ta. A man Rs. 100/- a ni e.

MKHC KAIHRUAIN REMNA NI HMAN A NI

India sawrkar leh Mizo National Front (MNF)-ten Inremna Thuthlung an ziak ni, June 30 (1986) '**Remna Ni**' tia Mizoram ni pawimawha hman tak chu kumin hi remna ziak a nih atanga kum 25-na Silver Jubilee a nih avangin Mizoram Kohhran Hruaitu Committee leh Mizoram Sawrkar kaihruainain Vanapa Hall-ah ropui taka hman a ni. Sawrkar lam pawhin Kohhran Hruaitu kaihruaina hnuai hman hi tha an ti a ni.

Remna Ni inkhawm hi MKHC Chairman Rev. C. Lalsanglianaw, Synod Moderator-in a kaihrui a, Most Rev. Stephen Rotluanga, Bishop of Aizawl Diocese-in hunserh a hmang a, Rev. R. Lalrinsanga (UPC), Secretary, MKHC-in report a pe a, Rev. Dr. K. Thanzauva, President, BCM-in '**Remna hi Pathian thil tum a ni**' tih thupui hmangin thuchah a sawi a, Rev. Dr. Lalsawman '**Remna siamtute chu an eng a thawl e**' tih thupui hmangin thu a sawi bawk a, Rev. Vanlalzuata, Sr. Executive Secretary, Mizoram Synod-in Silver Jubilee puala lehkhahu chhuah chanchin a sawi a. Pu Zoramthanga, President, MNF te; Pu Lalthanhawla, Chief Minister Mizoram te; M.M. Lakhera, Governor of Mizoram ten thuchah an sawi bawk.

He inkhawmah hian Bawngkawn Pastor Bial Zaipawl te, UPC Zaipawl te, Diocese Zaipawl (Catholic) te, Zoram Baptist Kohhran Zaipawl te, Territorial Staff Band te an zai a. Chairman kaihruainain lawmthu sawi tawngtai rualna te neih a ni. Art & Culture Deptt. atangin Khuallam, Solakia, Cheraw (lam) te entir a ni a. Major Thanhliira, Salvation Army-in lawmthu a sawi a, Pastor R. Biakthansanga, President, SDA-in tawngtaiin inkhawm a tin a ni.

PATHIAN THU ZIR DUH TAN

Presbyterian Bible School, Mission Vengah Session 23-na atan Certificate in Theology (C.Th.) zir duh tan dil hun hawn a ni leh ta a, hriat tur hetiang a ni e:-

Admission Form : Office hun chhungin Rs.10/-in a lei theih
Dil theih hun chhung : Sept. 5, 2011, tlai dar 3:00 thleng
Dil thei chin : CI-VII Passed, kum 16 tling, Dan zawhkim
Interview : Sept. 6, 2011, Zing dar 10:00
Class tan hun : Sept. 7, 2011 (Nilaini)
Zir hun chhung : September - December. 2011
Stipend : Zirlai tin hnenah Rs.300/- p.m. pek a ni.

Hostel a awm lo. Hre chiang duh tan
Phone No. 2317343 leh 9436352792-ah zawh theih a ni.

Sd/-
(REV. V. LAWMKIMA)
Principal
Presbyterian Bible School



Râl Vêngtu hnena mi pahnih lo kalte chuan, “Râl Vêngtu, Setana thurûk inthup, mipuite a bumna thu min hrilh tur i nei em?” an ti a. Râl Vêngtu chuan, “Nei e, Bible-in hun hnuhnganga thil thleng tura a sawi, ‘thuhnu dawn lo’ a tihte thu leh hla a ni ber a. Chung mite chuan hre chiang lovin thu an sawi a. An mite dawi âtna hmanrua leh Zion khawpuia rawn luh tumte tihkhawtlaina thu a ni a, a paw tak meuh a ni. Tlem azawng ka’n sawi ang e -

1. Chung mite chuan Thlarau Thianghlim hnathawh zara harhna te, taksa chêtna te hi Setana hnathawh vekah ngaiin an sawichhia a. An miten an chang ve ta chêng a, an sawisel leh ngam baw si lo.

2. Solfa key leh thluka hla sak hi ‘Thlarau hnawt bo hla’ tia hmânni lawka sawiseltute khan an sa ve leh ta baw a. An thlarau kha a hnawt bo ta tak tak a ni ang chu maw!

3. Chawlhni bawhchhiat chu van kaina ticket châna anga hrilituten Sabbath niah meite chhemin an bawhchhia a, a bawhchhiate hremna - ‘a chipuite zing ata tihboral leh lunga den hlum’an hlau leh lawi si lo.

4. Nimin lawka Chhandamna Camping sawiseltute khan an tu leh fate chu Camping-ah zuk han beng lut leh si a maw le. An hnim tha zo lo a ni chêt ang chu maw!” a ti a.

Mite chuan “Râl Vêngtu, hriatna tura beng nei tan chuan a chiang tak meuh mai. Thil awmzia min hrilh avangin kan lawm e,” an ti a.

“Heti ang mite thusawi hi dawnsawn dan taw kan lo hre tawh dawn nia,” an ti a.

MISSIONARY-TE INTUAI THARNA

Synod Mission Board chuan Mizoram pawn lam, India Hmarchhak huam chhunga Mission Field hrang hranga thawk, missionary-te pualin July 7 - 10, 2011 chhung khan Durtlang Kohhran Biak Inah Intuai tharna (*Missionary Retreat*) an hmang. Retreat Thupui thlan, ‘Lawm chunga Lalpa rawngbawl’ tih chu Executive Secretary i/c Mission, etc. Rev. Lalzuithangan tum li a sawi. Bible zir tura thlan Philippi Leikhathawn chu Rev. Z.D. Lalhmachhuanan a zirtir thung.

July 8 (Zirtawpni) chhun lamah ‘Rawngbawlna ram mite tawng zir pawimawhna’, Pu R. Lalnuntluanga, Lecturer, MTC zia leh ‘Contextualization & cross cultural ministry’ Rev. Vanlalrova Khiangte, ATC zia zir sawihona hun tha tak an hmang a; a tuk Inrinni chawhma lamin Rev. P.C. Pachhunga zia ‘Church Planting’ tih zir ho lehin chawhnu lam zawng chu Zawhna leh Chhanna huna hman a ni. North East Region-a thawk missionary-te hi an kal tha hle a, kal zat chiah hi he thu buatsaih lai hian a la chiang rih lo.

PRESBYTERIAN HOSPITAL, DURTLANG JUNE, 2011 CHHUNGA THILPEK DAWNTE

I. CHARITY FUND

1. 1 st year B.D. Student, ATC, Durtlang	Rs. 400
2. Vairengte Pastor Bial Kohhran Hmeichhia	Rs. 3,000
3. Haulawng Pastor Bial	Rs. 3,000
4. Gateway Enterprise, Bawngkawn	Rs. 1,000
5. ATC Student, Durtlang	Rs. 500
6. YMA, Khatla Branch	Rs. 5,000
7. KTP, North Khawlek Branch	Rs. 1,000
TOTAL	Rs. 13,900

II. THISEN PETE

1. KTP, Tlungvel Branch	53 Units
2. KTP, Bungkawn Vengthar Branch	51 Units
3. Hrangbana College	75 Units
4. KTP, Dinthar Vengthlang Branch	35 Units
5. YMA, Tuikhuahtlang Branch	63 Units
6. YMA, Reiek Branch	102 Units
7. YMA, Lungphun Branch	43 Units
8. YMA, Durtlang North Branch	47 Units
9. KTP, Thingthelh Pastor Bial	28 Units
TOTAL	497 Units

III THIL DANG

1. Chekawn Venglai Kohhran Hmeichhia	Hmunphiah 36
2. Leitan Kohhran Hmeichhia	Mitthi tuamna puan 23 (Dec. 2010-a pek)
3. Dr. Lalsiamliana te chung, Mission Vengthlang	Rs. 5,000
4. Bethlehem Pastor Bial Kohhran Hmeichhia	Rs. 10,000 (Plastic Chair leina tur)

Thikpek petute chungah kan Lalpa Isua Krista hmingin lawmthu kan sawi tak meuh meuh a ni e.

Sd/-
(REV C. LALBIAKHLUNA)
Chaplain
Presbyterian Hospital

SYNOD CHOIR- TAIWAN-AH

Mizoram Synod Zaipawl member 24 leh CKTP hruaitu pathumte chu June 28 - July 18 khan Taiwan-ah ‘*I Love Taiwan Mission 2011*’ programme hmangin an kal. He programme hi Presbyterian Church in Taiwan (PCT) hnuai Youth Committee bul tuma kum tina hman a ni a. Kohhran thawh dunna bakah Taiwan-a CWM missionary Rev. Zaidarhzauva vang pawhin PCT hian Mizoram Synod hi a hmelhriat tha hle a. Thalal pual programme-ah pawh hian KTP lam an rawn sawm ve thin a ni.

Zaipawl han kalte hian Taiwan Kohhran leh an rawngbawlna zir tualchhung Kohhran hrang hrang an tlawh a, zaia rawngbawlna hun an hman thin bakah hnam pual hun bikah Mizo hnam lâm te an han entir a, an lo hlutsakin an lo lawm thiam hle niin thu kan dawng.



Khawrihnim Kohhran chuan January 2, 2011 khan mi mal ran thawh hmangin Pathian an chawimawi tan a, Thlarau Thianghlimin hna thawkin harhna mei a alh zel a. January atanga April chhung khan mi mal thilpek leh Kohhran sum atang tein ruai thehin Pathian chawimawina wavi kua lai an nei tawh. Pavalai leh nuthlawi rualah, nula tlangval leh naupangah te harhna a thleng a, inkhawm an tha a, Pathian ram thil pek a pung hle bawk. Mahanaim Team (Speaker Thansanga) ruaiin Crusade an buatsaih zui a, tun hnaiah Salvation Army atangin mi 38 leh Lalchhungkua atangin mi pakhat an lawm lut.

Khawzawl Electric Veng Kohhran chuan March 1 - 12, 2011 chhung khan, Holy Fire Team ruaiin Chhandamna Camping chhawng hnih an buatsaih a, Campers 303 zinga 28 chu Kohhran pawl dang mi an ni. He rawngbawlna hi Kohhranhoten an hlawkpui hle. Camping buatsaih hnuah pawl dang atanga lo pakai mi pahnih an awm nghe nghe a ni.

Bungtlang Vengsang Kohhran chuan April 6 - 14, 2011 chhung khan Pathian Thuruk Enkawltu Team (Speaker Pu Laltindawla) ruaiin Crusade an buatsaih a, Bial Inkhawmpui an dawng zui a, Kohhran boruak a nuam hle. Crusade an hman hnu hian UPC atangin mi 11 lai Presbyterian Kohhranah an lut tawh nghe nghe.

Bungtlang Bazar Veng Kohhran chuan April 18 - 20, 2011 chhung khan Pu Laltindawla speaker-a hmangin Crusade an buatsaih a, Good Friday leh Easter Sunday te pawh an hmanpui nghal a, Kohhranho an hlim hle. Pathian Biak In thleng ngai tawh lote leh lamtual thleng ngai tawh loten harh tharna an chang a, Pathian biak inkhawm a nuam hle.

Darlawn Venghlun Kohhran chuan Jehova Jire Team Speaker Pi P.C. Vanlalnglaki ruaiin April 23 - May 23, 2011 chhung khan Camping chhawng nga leh Naupang lang Camp an buatsaih a. Presbyterian Kohhran bakah Salvation Army, Baptist Kohhran, UPC, Roman Catholic, EFCI leh Seventh Day Kohhran atangin mi 731 an lut a, an lawm hle. Kohhran inkhawm a nuam a, Biak in thleng phak tawh lote leh hnung tawh tawhten Thlarau Thianghlim hnathawh an chang a, Pathian ram thil pek pawh a pung a, Venghlun din tirh atanga Pathian ram thilpek an dawn tam ber tum a la ni.

Champhai Zotlang Kohhran chuan May 7 - 29, 2011 chhung khan Gospel Fire Team Speaker K. Lalhunpuia ruaiin Camping chhawng thum leh lang Camp wavi hnih an buatsaih a. Mi 367 an lut a. He Camp hi KTP leh Kohhran Hmeichhiate pawhin manhla an ti hle. Pavalai Pawl an din thar bawk.

Theiriat Kohhran chuan May 9 - 23, 2011 chhung khan Ebenezer Revival Team Speaker Pu Lalsangzuala Ngente leh Pu Laldintluanga Sailote ruaiin Crusade leh Camping an buatsaih a, Kohhranhoten harhna changin Thlarau lamah an hlawkpui hle.

Buhban Kohhran chuan May 13 - June 6, 2011 chhung khan Kraws Fate Team Speaker Tv. R. Lalruaimawia ruaiin Camping chhawng thum leh Naupang lang Camp an buatsaih a. Mi 520 lai an lut. Thlarau Thianghlima siamtharlehna changin khawtlang leh Kohhran boruak a

nuam hle a. Salvation Army-te nen Presbyterian Kohhran Biak Inah an inkhawm ho va; June 11 khan Pathian chawimawina ruai siamin hlim takin hun an hmang.

Thanglailung Kohhran chuan May 14 - June 6, 2011 chhung khan Tv. Laltlanmawia, Chanchin Tha Puangtu Team Speaker ruaiin Camping chhawng thum an buatsaih a, Camp-ah hian mi 292 an lut a, hlim leh lawm takin Pathian chhandamna changin an chhuak. June 6, 2011 khan Kohhran mipuite thawh khawmin Pathian chawimawina hun an hmang a, an boruak a hlimawm hle. Ni tina ringtu nun mamawh lam uar a ni a, Camp laia Isua inlar hmu an awm te leh damna chang an awm te chuan boruak a tialh zual.

Vaivakawn Kohhran chuan May 28 - June 26, 2011 chhung khan Dintharlehna Team Speaker, Tv. C. Zairemmawia ruaiin Camping chhawng li an buatsaih a. Camper 1,114 lutin an zinga 50 zet chu Kohhran pawl dang mi an ni. Camp chhawng tinah hian veng pawn lam mi 30 vel an lut tel ziah a, tleirawl pual leh naupang pual lang camp hlawhtling tak neih a ni bawk. Pathian thu tluantling - Thlarau lam leh taksa thawh dunna thuchah nung tak kara ni tin nuna hman tur thuchah te, Mizo nun ze tha leh hnam thil chawisanna thuchah tel thinte chuan Kohhran mipui a hneh hle. Isua inlarna leh Pathian thidamna chang an awmte chuan boruak a tialh zual. Biak In inkhawmah lamtual rap ngai lo an pen chhuak nasa a. Ni 30.6.2011 (Remna Ni) khan Kohhranin Pathian hnena lawmthu sawina hun buatsaihin hlim takin tisa leh Thlarau lam ruai an kil ho.

CHATUAN CHAWLHNAAH MISSIONARY LALHRIATZUALI A CHAWL TA

NI. Lalhriatzuali (kum 26), Zawlpua Evangelist Teacher chu July 2, 2011 zing lam khan Lunglei Civil Hospital-ah Malaria PF natnain a thi. NI. Lalhriatzuali hi Pu Rualthankhuma (L) leh Pi Laldawli-te fa, Lungpho khuua piang leh seilian a ni.

Kum 2006 khan Mission Promotion Movement hnuaiiah thawk tanin 2008 kum bul atangin Synod Mission Board hnuaiiah a thawk zui a, Home Mission South - Zawlpui khuuaah Evangelist Teacher (E/T) a ni. A hna hi lungawi leh phur takin a thawk a, rawngbawlnaa inpekna thuk tak nei mi a ni.

NI. Lalhriatzuali ruang hi Lunglei atanga rawn phurh phei a ni a, July 2 tlai dar 6:30 vel khan Banglapui, Mission Veng, Aizawlah amah thlahna hun hman a ni a; YMA, Mission Veng South Branch-in thil tul an buaipui vek a ni. An khua, Lungpho panpui zui a ni a; July 3-ah Synod Mission Board Secretary Rev. Lalchhuanmawian a vui a, Lungpho khuua invuinaah chuan mi an la pung khawm tam ber hialin an sawi.

Kristian Tlangau kum 100-na

Kumin hi Kristian Tlangau Chanchinbu kum 100-na a lo ni ta. Hemi denchhen hian *Project* hrang hrang siam a ni. Centenary thla, October 2011 atangin a bu tihlen a ni dawn. **Kohhran chanchin, ram pawn Kristian zinga thil thleng, Bible thu har leh Kohhran lam thil hriatna hnar** hi a la la loten mahni Kohhrana Agent-te atangin lak thar zel theih a ni e. Kum khat lak man Rs. 50/- chauh a ni.